

Konferencija za novinare Saveza bačkih Bunjevaca

Stav Saveza bačkih Bunjevaca: Oni koji su u Nacionalnom savetu Bunjevaca, a imaju hrvatska dokumenta i izjasnili su se ko Hrvati, da napušte Nacionalni savit bunjevačke nacionalne manjine. Za početak javno postavljamo pitanje članu Bunjevačkog nacionalnog savita, Aleksandru Matkoviću, da li ima ili nema hrvatska dokumenta.



Na početku konferencije pridsidnik Saveza bačkih Bunjevaca, **Mirko Bajić**, citiro je rešenje Ministarstva pravde i državne uprave, kojim je odbijen upis

mr Suzane Kujundžić Ostojić

i potvrđeno da je pridsidnik Nacionalnog savita bunjevačke nacionalne manjine

Branko Pokornić

- To rešenje tribalo bi da stavi tačku na sukobe u Nacionalnom savitu, ali mi mislimo da to neće zaustaviti procese koje je grupa članova saveta započela i da će i dalje pokušavati da naprave raskol u Savitu. Razlog za taku sumnju je u činjenici da postoje ljudi koji su ušli u Bunjevački nacionalni savit u namiri da utiču da se Bunjevački nacionalni savit pripoji Hrvatskom, a Bunjevci pripoje Hrvatima i postanu poput Šokaca danas. Mi odavno imamo informacije da postoje razgovori o tome. Odavno ukazivamo na to, a sad je valjda svima jasno šta se zapravo događa u Nacionalnom savitu i dila institucija bunjevačke nacionalne zajednice. To je otvoreno izno i Petar Kuntiće, pridsidnik DSHV-a i narodni poslanik hrvatske nacionalne zajednice, rekavši javno (emisija Periskop 8. marta, K23) da su litos vođeni razgovori sa frakcijom, tj grupom visokih funkcionera bunjevačkih institucija o ujedinjenju Bunjevačkog i Hrvatskog nacionalnog savita u jedan jedinstven nacionalni savet i pripajanje Bunjevaca Hrvatima pod jednim imenom Hrvati – Bunjevci. Tačno litos, a naročito posli posite pridsidnika Skupštine Republike Srbije bunjevačkim institucijama, čime je jasno dat legitimitet bunjevačkoj nacionalnoj zajednici, otpočela je hajka na pridsidnika Bunjevačkog nacionalnog savita, Branka Pokornića i na pridsidnika SBB i direktora Bunjevačkog informativnog centra, Mirka Bajića. Cilj je bio jasan: smeniti Branka Pokornića, napraviti raskol u Savitu i dovesti ljude koji će raditi na pripajanju Bunjevaca Hrvatima. Da pojasnim: niko ne može Bunjercima da uskrati pravo na izjašnjenje o nacionalnoj pripadnosti i formiranje institucija kojima se legitimiše postojanje nacionalne manjine, to možemo samo mi sami. Bunjevci će pristati da postoje kao samostalna nacionalna zajednica samo ako sami sebe ukinemo, a to znači da pristane da postoji Nacionalni savit i institucije koje je Savit osnovo. Upravo to je cilj grupe ljudi, koja je sebi dala za pravo da o tome prigovara s Petrom Kuntićem. Potpuno je jasno da su u Bunjevački nacionalni savit ušli ljudi koji imaju zadatak da postave „svog pridsidnika“. Virujemo da dio članova Savita koji je u tom učestvovalo prisustvujući nelegitimnoj sednici i smenjivajući Branka Pokornića i Upravni odbor NIU „BIC“-a, nije imao saznanja o kontaktima i namirama pojedinaca i da će ubuduće normalno učestvovati u radu Savita. Savez bačkih Bunjevaca daje punu podršku Branku Pokorniću i poziva sve članove Savita koji su ozbiljni i odgovorni da obavljaju posao za koji su izabrani i da se ne dozvoli ponovni raskol u Savitu i uvođenje prinudne uprave, jer bi to imalo katastrofalne posledice za cilu nacionalnu zajednicu -

istako je Mirko Bajić, pridsidnik Saveza bačkih Bunjevaca i član Nacionalnog savita bunjevačke nacionlane manjine.